



YTRE SLEMMEN v/Steinar Rydjord
Ytre Slemmen
6360 ÅFARNES

Saksbehandlar, innvalstelefon

Ola Betten, 71 25 84 76

Rauma kommune gnr154 bnr1 - planting av fjelleedelgran - Ytre Slemmen

Fylkesmannen i Møre og Romsdal gjev Steinar Rydjord og Kari Janne Gjøyen løyve til utsetting av fjelleedelgran for juletreproduksjon på Ytre Slemm i Rauma kommune. Løyvet gjeld for planting med inntil 1.500 stk. fjelleedelgran på eit areal på ca. 2 daa, UTM 6950470 428210, jf. avmerka areal i vedlegget til søknadene.

Løyvet er gitt i medhald i §§ 4 og 5 i "*Forskrift om utsetting av utenlandske treslag til skogbruksformål*". Det er sett vilkår til løyvet.

Vi viser til søknad av 25.08.2020. Søknaden gjeld utsetting av fjelleedelgran (*Abies lasiocarpa*) på eigedommen 154/1 i Rauma kommune. Plantefeltet er avmerkt i kartvedlegget til søknaden. Formålet med utsettinga er juletreproduksjon. Søknaden gjeld ca. 1500 planter på eit areal på ca. 2 dekar.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er *å hindre at utsetting av utenlandske treslag medfører eller kan medføre uheldige følger for naturmangfoldet*, jf. § 1.

Søknaden skal vurderast etter prinsippa i §§ 8-12 i naturmangfoldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følger for naturmangfoldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følger for det biologiske mangfoldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følger for det biologiske mangfoldet, jf. § 7 i forskrifta. Utplanting av utanlandske treslag kan ha ein



negativ påverknad på naturmangfaldet ved å endre den naturlege artssamansetnaden og dei økologiske funksjonane på staden.

Kunnskapsgrunnlaget (NML § 8)

Fjelledelgran er klassifisert av Artsdatabanken som ein art med lav risiko. Arten har per i dag ikkje nokon påverknad på norsk natur ut over den effekten dei har på det arealet dei blir planta på.

I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er difor liten fare for spreiring av fjelledelgran til naturen kring feltet.

Vi har vurdert dei naturfaglege kvalitetane til plantearealet. Det er ingen registreringar i Naturbase i høve raudlisteartar, viktige naturtypar eller andre relevante verdiar. Ei planting vil ikkje medføre spesielle endringar i dette landskapet. Ut frå føreliggande kunnskap vil det ikkje medføre uheldige følgjer for naturmangfaldet.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var-prinsippet er lite.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforring (NML § 11)

Søkar kan påleggast å fjerne utilsikta spreiring av utplanta fjelledelgran. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiring.

I tillegg er den som har fått løyvet til utsetting pliktig til å føre internkontroll, jf. § 10 i forskrifta.

Konklusjon

Vi vurderer det til å vere små negative effektar på naturmangfaldet i utsettingsområdet som følgje av planting av fjelledelgran. Med bakgrunn i opplysningane i søknaden og kunnskapsgrunnlaget, vurderer vi spreiringsfaren som låg, og faren for negative økologiske effektar som liten.

Fylkesmannen i Møre og Romsdal gir YtreSlemmen v/Steinar Rydjord etter dette løyve til utsetting av fjelledelgran på gnr 154 bnr 1 som omsøkt. Løyvet gjeld for 1500 stk. fjelledelgran på eit areal på 2 daa på avmerka areal i vedlegget til søknaden. Løyvet gjeld t.o.m 2034, og må fornyast ved drift etter dette, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.



Det vert sett følgjande vilkår til løyvet:

- 1) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Feltet skal uansett ryddast innan 14 år etter utsetjing.
- 2) Det er ikkje tillate å fjerne tre med voksedyktig rot frå feltet. Dette skal hindre ukontrollert spreiding av arten.
- 3) Dersom det vert oppdaga spreiding av tre utanfor plantefelta, skal desse fjernast, og Fylkesmannen i Møre og Romsdal må varslast.
- 4) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Bjarne Otnes (e.f.)
fagleiar naturforvalting

Ola Betten
prosjektleder

Dokumentet er elektronisk godkjent

Kopi til:

RAUMA KOMMUNE Volla 8A 6300 ÅNDALSNES